



UNIVERSITÄTS-
BIBLIOTHEK
PADERBORN

Universitätsbibliothek Paderborn

Alexētērion id est Historia Pestis


Stengel, Carl

Augustae Vindelicorum, 1614

Cap. XIII. S. Barbaræ patrocinium, & opusculi conclusio.

[urn:nbn:de:hbz:466:1-49838](https://nbn-resolving.org/urn:nbn:de:hbz:466:1-49838)

diuersorium, ad curam corporis assidere. Continuoque
 discipulis appositis, exortus in domo luctus auiditatem esu-
 rientium repressit. Siquidem unus & alter, & mox plu-
 res è familia, dubium qua pernicie, interempti, animas
 subito amiserunt. Tum eadem peste per vicinas ades gras-
 sante, ascensis mulis diffugiunt, festinationem & iua. Stimu-
 lis timoris accelerantes.



S. BARBARÆ PATROCINI-
 VM, ET OPVSCVLI
 conclusio.

CAPVT XIII.

Agmen sanctorum eorum, qui tempore pe-
 stis à pijs & Christianis hominibus inuoca-
 ri solent, atque aded totius huius historiae,
 claudat vel in primis prædicanda, sanctissi-
 ma Virgo & Martyr Christi insignis Barbara, quam
 Christiana pietas, eorum qui rectè de rebus fidei senti-
 re & credere didicerunt, non solum contra pestem, ve-
 rum etiam contra subitanam mortem à priscis seculis
 studiosè venerari, atque sedulò inuocare consuevit.
 Nam Metaphrastes tradit eam, cum iam iam martyrij
 palmam perceptura esset, flexis genibus eiusmodi ipsam
 esse oratione: *Principij expers Deus, qui calum extendisti,
 tanquam fornicem: terram autem fundasti super aquas:*

Precatio
 S. Barba-

Qui nubibus iubes ut pluant, & produxisti Solem, ut lucem præberet omnibus: & communiter hæc & iustus & iniustus, & bonis & malis simul suppeditas, tu quoque nunc me precantem exaudi, o Rex, & qui tui nominis & mea meminerit decertationis, ne pestilens morbus in eius domum ingruat: neque ullum aliud ex iis, quæ possunt corporibus afferre damnum & molestiam. Scis enim, Domine nos esse carnes & sanguinem, opera intemperatarum tuarum manuum, & honorata tua imagine & similitudine. Dixit, & vox de cœlis audita est admirabiliter ad cælum vocans ipsam & simul pollicens implenda ea, quæ petierat.

S. Barbara præses patrona contra mortem absque preuia confessione, & S. Eucharistiæ perceptione.

*dilectissimi,

Virgo quoque hæc sanctissima cultores suos absque venerabili sacramento mortem obire non finit, idque multis exemplis comprobatum est, posset per longum probari. Nam, ut alia eius Acta habent, cum decollanda esset, orauit ad Dominum, ut quicumque nominis & passionis eius memoriam haberet, in extremis vera contritionis & confessionis beneficium perciperet, sacrosanctoque corpore Christi cibaretur, ac in iudicio peccata eius nequaquam recordaretur. Quæ omnia voce è cælo lapsa testante ei concessa sunt. Extat apud Suriium huius argumenti memorabile sanè miraculū, diuinitus declaratum in homine quodam, nomine Henrico Kock, flammis miserè exusto, & tamen in vita conseruato admirabiliter, donec confessione & Eucharistia munitus esset meritis sanctissimæ martyris Barbaræ, anno Christi 1448.

Et nostro iterum tempore B. Stanislaus Koscga Polonus, Societatis I. E. S. V. religiosus, præsentē S. Barbara Eucharistiam ab Angelis accepisse traditur, in eius vita

Visum etiam hoc loco ad finem apponere concionem S. Gregorij, quam habuit, tempore pestis. nam gratiarum actionem quam instituit ea suppressâ supra retulimus cap. 4. SERMO S. GREGORII MAG-

N. 1. Oportet, fratres charissimi, * ut flagella Dei, quæ

metuere ventura debuimus, saltem presentia & experta timeamus. Conuersionis nobis aditum dolor aperiat, & cordis nostri duritiam ipsa iam, quam patimur, pana dissoluat. Vt enim, propheta teste, predictum est: Peruenit gladius & sique ad animam. Ecce enim cuncta plebs caelestis ira mucrone percutitur, & repentina singuli caede vastantur; nec languor mortem prauehit, sed languoris moras (ut cernitis) mors praecurrit. Percussus quisque ante rapitur, quam ad lamenta paenitentiae conuertatur. Pensate ergo, qualis ad conspectum districti Iudicis peruenit, cui non valet flere quod fecit: habitatores quippe non ex parte subtrahuntur, sed pariter corruunt, domus vacua relinquuntur, filiorum funera parentes aspiciunt, & suos eos ad interitum heredes praecedunt. Vnusquisque ergo nostrum ad paenitentiae lamenta confugiat, dum flere ante percussorem vacat. Reuocemus ante oculos mentis, quicquid errando commissimus, & quod nequiter egimus, fiendo puniamus. Praueniamus faciem eius in confessione, & sicut Propheta admonet, leuemus corda nostra cum manibus ad Deum*. Ad Deum quippe corda cum manibus leuare, est orationis nostra studium cum merito bona operationis eo igere. Dat profectio, dat tremori nostro fiduciam, qui per prophetam clamat: Nolo mortem peccatoris, sed ut conuertatur, & viuat. Vternosae namque Niniuitarum culpas triduana paenitentia absterxit, & conuersus laico vita praemia etiam in ipsa sententia sua mortis emeruit.

Leuemus igitur corda, & praesumamus nos iam percepisse quod petimus. Citius ad precem Iudex flectitur, si a praesentate sua petitor corrigatur. Imminente ergo tanta animaduersionis gladio, nos importunis fletibus insistamus: ea namque qua ingrata esse hominibus importunitas solet, Iudici veritas placet: quia pius & misericors Deus a se vult veniam precibus exigi, qui, quantum mereamur, non vult irasci, hinc etenim per Psalmistam dicitur: * Inuoca me in die tribulationis tuae, & eripiam te, &

Hier. 4.

Thren. 3.
* Dominum.

Ezech. 18

Ion. 3

Matth. 27.

Hortatio ad paenitentiam.

Psal. 49.
* dicit.

* deuota
ad lacry-
mas men-
te.

magnificabis me. Ipse ergo sibi testis est, quia inuocantibus misereri desiderat, qui monet ut inuocetur. Proinde, fratres carissimi, contrito corde & correctis operibus crastina die, primo diluculo ad Septiformem litaniam, iuxta distributionem inferius designatam, deuota* mente cum lacrymis ueniamus. Nullus uestrum ad terrena opera in agros exeat, nullus quodlibet negotium agere praesumat: quatenus ad sancta Dei genitricis Domini Ecclesiam conuenientes, qui simul omnes peccauimus, simul omnes mala que fecimus deploremus: ut districtus Iudex dum culpas nostras nos punire considerat, ipse a sententia proposita damnationis parcat. haecenus sermo, idemque dictus in Ecclesia sanctae Sabinae in Auentino & scriptus affixus Albo, cui litaniarum ordo istiusmodi subscriptus habetur.

Litania
Septifor-
mis dicta.

Litania clericorum exeat ab ecclesia beati Iohannis Baptistae.

Litania uirorum ab ecclesia beati martyris Marcelli.

Litania monachorum ab ecclesia martyrum Iohannis & Pauli.

Litania ancillarum Dei ab ecclesia beatorum martyrum Cosmae & Damiani.

Litania foeminarum coniugarum ab ecclesia beati primi martyris Stephani.

Litania uidaarum ab ecclesia martyris Vitalis.

Litania pauperum & infantium ab ecclesia beatae martyris Ceciliae. Facta sunt haec in basilica sanctae Sabinae sub die quarto Cal. Septemb. Indictione octaua. Post

haec nimirum ultimis litanijis, accidit, quod supra capite quarto enarrauimus, mirandum illud, quando procedente Gregorio ad molem Gadrani Tiberi adiacentem, in signum reconciliati numinis, visus fuit Angelus nudatum gladium inuaginam reponere.